

T-6

Na osnovu člana 16. stav 4., Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 98. sjednici, održanoj dana 19.03.2021. godine, d o n o s i

## ZAKLJUČAK

### I.

Prihvata se Mišljenje Ministarstva za obrazovanje, nauku, kulturu i sport Zeničko-dobojskog kantona, doneseno na Inicijativu Jasmina Duvnjaka, zastupnika u Skupštini Zeničko-dobojskog kantona, za Autentičnim tumačenjem člana 90. Zakona o visokom obrazovanju, („Službene novine Zeničko-dobojskog kantona“, broj: 6/09, 9/13, 13/13, 4/15, 5/18, 4/19 i 19/20), broj: 10-02-2802-1/21., od 09.03.2021. godine, a koje se prilaže uz ovaj zaključak i smatra se njegovim sastavnim dijelom.

### II.

Zaključak sa Mišljenjem iz tačke I. upućuje se u daljnju skupštinsku proceduru.

### III.

Zaključak stupa na snagu danom donošenja.

Broj: 02-02-3436 /21  
Datum, 19.03.2021. godine  
Zenica



**PREMIJER**  
po Odluci predsjedavajućeg Skupštine

*Mirnes Bašić*

**DOSTAVLJENO:**

1x Ministarstvu za obrazovanje, nauku, kulturu i sport,  
1x Stručna služba Skupštine,  
1x Stručna služba Vlade,  
1x 1x a/a.

## PRIJEDLOG

Na osnovu člana 18., stav (1) Zakona o kantonalnim ministarstvima i drugim tijelima kantonalne uprave, („Službene novine Zeničko-dobojskog kantona“, broj: 10/15), a u vezi sa članom 90., Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18, 9/19 i 19/20), postupajući po prethodnom Zahtjevu Jasmina Duvnjaka, zastupnika u Skupštini Zeničko-dobojskog kantona, za davanjem Autentičnog tumačenja člana tumačenja člana 90., Zakona o visokom obrazovanju), od 25.02.2021. godine, Ministarstvo za obrazovanje, nauku, kulturu i sport daje sljedeće:

### MIŠLJENJE

S obzirom na činjenicu da je Jasmin Duvnjak, zastupnik u Skupštini Zeničko-dobojskog kantona, svojim Zahtjevom od 25.02.2021. godine obratio Predsjedavajućem Skupštine ZDK-a za Autentičnim tumačenjem člana 90., Zakona o visokom obrazovanju, („Službene novine Zeničko-dobojskog kantona“, broj: 6/09, 9/13, 13/13, 4/15, 5/18, 4/19 i 19/20), a koji se odnosi na penzionisanje nastavnika na visokoškolskoj ustanovi, resorno ministarstvo ističe činjenicu da je u **članu 90.**, decidno i navedeno da: **„Nastavnik koji je ispunio uvjete za penziju u skladu sa zakonom može ostati u radnom odnosu na visokoškolskoj ustanovi do navršениh 70 godina života, ako za to postoji potreba i ako se na konkurs za popunu radnog mjesta na kojem je angažovan, koji se obavezno raspisuje jednom godišnje, ne prijavi kandidat koji ispunjava uvjete za izbor.“**

Dakle, predmetni član Zakona o visokom obrazovanju, sam po sebi, odnosno svojoj sadržini, je prema našem stajalištu, u dovoljnoj mjeri jasan, nedvosmislen i precizan, kako u pogledu propisanih procedura raspisivanja konkursa za popunu **upražnjenih radnih mjesta nastavnika** koji su ispunili zakonske uvjete za penzionisanje u skladu sa članom 90., Zakona o visokom obrazovanju, („Službene novine Zeničko-dobojskog kantona“, broj: 2/09, 9/13, 13/13, 4/15, 05/18, 4/19 i 19/20), tako i mogućnosti da nastavnik ostane u radnom odnosu na Univerzitetu i to do kraja kalendarske godine u kojoj navršava 70 godina života, uz naglašavamo kumulaciju propisanih uvjeta da za takvim postupanjem prethodno postoji opravdana potreba, odnosno ako se na konkurs za popunu radnog mjesta na kojem je angažovan, **(koji se obavezno raspisuje jednom godišnje)**, ne prijavi kandidat koji ispunjava uvjete za izbor.

Ipak u aktuelnoj akademskoj praksi, neposredna primjena ovog člana Zakona, ukazala je na postojanje potrebe bližeg definisanja i svih pratećih akademskih pitanja, primjerice da li je riječ o raspisanom konkursu za **za izbor nastavnika u sva nastavnička zvanja, (docent, vanredni i redovni profesor)**, pri čemu se sva prateća, odnosno akademska pitanja izbora i/ili napredovanja, rješavaju drugim odredbama, odnosno procedurama utvrđenim u Zakonu o visokom obrazovanju ZDK-a, kao i Statutu JU UNZE-i, koji se usklađuje sa navedenim zakonom. Naime, podnosilac zahtjeva je u dijelu obrazloženja, naveo da mu je Autentično tumačenje neophodno radi pravilnog razumijevanja navedenog člana Zakona, odnosno daljnjeg postupanja visokoškolske ustanove JU UNZE-i u smislu izbjegavanja ili uklanjanja mogućnosti za pojavom uočenih, različitih i/ili neujednačenih praksi na Univerzitetu u Zenici u pogledu tumačenja sadržine ove odredbe Zakona. Suštinsko pitanje je usmjereno, odnosno upućeno na usaglašenost navedenog člana sa dosadašnjom neujednačenom akademskom praksom na JU Univerzitet u Zenici, te moguće i internim-provedbenim propisima ove visokoškolske ustanove. S tim u vezi posebno naglašavamo da su postavljena pitanja vezana za postupanje JU UNZE-i, (u aktuelnoj akademskoj praksi penzionisanja nastavnika koji su stekli uvjete za penziju), da prilikom primjene procedura raspisivanja konkursa za popunu upražnjenih radnih

mjesta nastavnika koji su ispunili zakonske uvjete za penzionisanje u skladu sa članom 90. Zakona o visokom obrazovanju, obavezno raspisuje konkurs za izbor nastavnika u sva nastavnička zvanja, te da u slučaju da se na raspisani konkurs ne prijavi kandidat koji ispunjava uslove za izbor nastavnika u jedno od nastavničkih zvanja, nastavnik koji je ispunio uslove za penziju u skladu sa zakonom, može ostati u radnom odnosu na Univerzitetu do kraja kalendarske godine u kojoj je raspisan konkurs, (odnosno u više provedenih procedura), ali najkasnije do kraja kalendarske godine u kojoj navršava 70 godina života.

S poštovanjem,

Broj: 10-02-2802-1/21.  
Zenica, 09.03.2021. godine



**MINISTAR**  
*Prof.dr. Spahija Kozlić*





Broj: 01-02-2802/21

Zenica, 02.03.2021. godine

- VLADA ZENIČKO-DOBOJSKOG KANTONA
  - n/r premijera Kantona
  - n/r sekretara Vlade
- ZAKONODAVNO-PРАВNA KOMISIЈА SKUPŠTINE – svim članovima putem Odjeljenja za poslove radnih i drugih tijela Skupštine i radno-pravne poslove-04-01

04/11  
05/11/2021  
Konstulja

**PREDMET:** Inicijativa Jasmina Duvnjaka, poslanika u Skupštini Zeničko-dobojskog kantona za davanje autentičnog tumačenja člana 90. Zakona o visokom obrazovanju – dostavlja se,

Jasmin Duvnjak, poslanik u Skupštini Zeničko-dobojskog kantona je na 31. sjednici Skupštine Zeničko-dobojskog kantona održanoj **25.02.2021. godine**, u okviru predtačke dnevnog reda: „Postavljanje poslaničkih pitanja i pokretanje inicijativa“ pokrenuo **inicijativu za davanje autentičnog tumačenja člana 90. Zakona o visokom obrazovanju** („Službene novine Zeničko-dobojskog kantona“, broj: 6/09, 9/13, 13/13, 4/15, 5/18, 4/19 i 19/20).

Polazeći od odredbe člana 155. stav 1. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona“, broj: 14/18, 18/18-Isp., 7/19 i 7/20), koji propisuje da **inicijativu za davanje autentičnog tumačenja zakona mogu podnijeti sva fizička i pravna lica**, te shodno članu 156. stav 2. Poslovnika Skupštine, u prilogu vam dostavljamo na mišljenje predmetnu inicijativu, radi daljeg postupanja Skupštine po istoj u skladu s Poslovníkom Skupštine.

S poštovanjem!

SEKRETAR  
Ibrahim Avdagić

**PRILOG:** izvod iz transkripta sa 31. sjednice Skupštine u kome je sadržana inicijativa poslanika Duvnjaka

**Dostavljeno:**

1x Naslovu

1x Poslancima Skupštine ZDK/05-03

1x Ministarstvu za obrazovanje, nauku, kulturu i sport ZDK, n/r ministra – na znanje

1x U predmet – „R“/05-02

## JASMIN DUVNJAK

Nema Kapića da me snimi, šalim se. Neka živi naša domovina Bosna i Hercegovina. Poštovani predsjedavajući, poštovani zamjenici, poštovane kolege zastupnici, članovi Vlade, premijeru, predstavnici institucija, predstavnici medija i gosti. Imam nekoliko pitanja, inicijativa. Prvo inicijativa za autentičnim tumačenjem odredbi člana 90. Zakona o visokom obrazovnu, član 90. penzionisanje nastavnika. citiram: „*Nastavnik koji je ispunio uvjete za penziju u skladu sa zakonom može ostati u radnom odnosu u visokoškolskoj ustanovi do navršenih 70 godina života, ako za to postoji i ako se na konkurs za upražnjeno radno mjesto na koje je angažovan, a koji se obavezno raspisuje jednom godišnje ne prijavi kandidat koji ispunjava uvjete za izbor.*“

Molim resorno... molim dakle, da u odgovarajućoj proceduri se da autentično tumačenje člana 90. Zakona o visokom obrazovanju Zeničko-dobojskog kantona, radi postupanja nadležnih organa visokoškolskih ustanova u duhu i slovu Zakona o visokom obrazovanju Zeničko-dobojskog kantona, kako bi se omogućio veći stepen transparentnosti i ujednačenosti u postupanjima prilikom provođenja procedure penzionisanja nastavnika kao i procedura prilikom zapošljavanja novih nastavnika na visokoškolskim ustanovama. Sve visokoškolske ustanove pa i naš Univerzitet trebalo bi da imaju jasnu i preciznu viziju formiranja naučnog podmladka i razvoja naučnog života ovo je jedno od pitanja, nije jedino ali jedno od pitanja i dileme koje otvara i različita postupanja koja se dešavaju koja bi moglo pomoći da se ove stvari bitno unaprijede. Neću ništa niti mogu prejudicirati, da mogu prejudicirati ne bih tražio autentično tumačenje ali očigledno ima različitog postupanja i stvari koje se trebaju razjasniti i nadam se da ćemo kroz autentično tumačenje ovog člana 90. dobiti informacije koje će nam biti od koristi.